

ՎԱՀՐԱՄ ՓԱՓԱՋՅԱՆԻ ՆԱՄԱԿՆԵՐԸ ԵՆՈՎՔ ԱՐՄԵՆԻՆ

Անվանի դերասան, արվեստագետ, գրող Վահրամ Փափաջյանը նամակներ է գրել գրող, լրանասեր, խմբագիր Ենովք Արմենին: Նամակները պարունակում են ուշագրավ գրվածքներ Վ. Փափաջյանի բնական գործի, «Հետադարձ հայացք» գրքի տպագրության, իր ճանապարհորդությունների և այլ եղելությունների վերաբերյալ: Դրանք ուշագրավ կողմերից են բացահայտում երկու հայրենանվեր մտավորականների գործունեությունը: Ներկայացվող նամակները պահվում են Ե. Զարենցի անվան գրականության և արվեստի թանգարանում (Ենովք Արմենի ֆ., № 1069):

Վ. Գ. ՎԱՐԴԱՆՅԱՆ

№ 1

23 հոկտեմբերի, 1910
EFPPAIE

Իմ թանկագին Արմեն ջան

Հուսամ մի քանի օրեն Պոլիս կլինեմ, և առաջին գործս կըլլա մեծ և վերջին նպաստիս ձեռնարկել: Հուսամ ղու ևս պատրաստած կլինես դեռատի սքեմավորիդ պատկերը...:

Քեզ մի մեծ ուրախություն պաաճառելս գիտնալով, կիմացնեմ, որ մեծ պահքի 1-են սկսյալ ամբողջ մի տարվան համար պայմանագրություն ստորագրեցի Հռոմի իտալական մնայուն խմբին հետ (նամակագրությամբ): Կտեսնես, որ այդ նպաստը շատ տեսակետով ինձ անհրաժեշտ է, որուն հաջողությունը պիտի ապահովե սիրահար վարդապետդ, ուստի չեմ կարծեր, որ զիս հուսախաբ թողուս:

Համբույրներս կապույտ աշուկներուդ:

Վահրամ Փափաջյան

№ 2

<Անթվակիր>
Պոլիս

Ենովք

Մոտ օրեն ճոր խմբով պիտի ելլեմ բեմ: Խնդրեմ Ս. Համբար անունով մե-նախոսություն մը սկսես:

Պիտի արտասանեմ: Երջտ իր պատկերեն ուսումնասիրելով իմ դիմագծու-թյունը, այնպես որ կենդանի, իր ճիշտ բեղիքով ելլե բեմ:

Վահրամ

№ 3

<Անթվակիր>

Թիրեղիս

Անհրաժեշտ է, որ դու, ի՞նչ ձևով և ինչ կերպով էլ որ լինի Մաքրիգյուղի մեջ ինձ մի ներկայացում սարքելու մասին աշխատես: Լինի դա ի նպաստ և թե գործի կամ պարզապես ինձ համար միևնույնն է, ուրիշ ճար և ճանապարհ

չիկա: Վաղը կանցնեմ բեզ մոտ, իսկ մինչ այն այսօր իսկ տես խոսե, ղիմե, խնդրում եմ:

Քո Վահրամ

№ 4

<Անթվակիր>

Իմ ազնիվ բարեկամ

Ահա նամակիս հետ կուղարկեմ ամենալավ օթյակի տոմս մը, ինչպես որ խոստացա:

Կրկին և կրկին կխնդրեմ, որ Ձեր օր<իորդ>քրոջ հետ (թեև ղինքը ճանաչելու պատիվը չունիմ), ներկա ըլլաք երեքշաբթի գիշերու ներկայացումեն մի օր առաջ, Ձեր պատվական թերթին մեջ իմ «Օթելլո»-ի լուսանկարը, մինչև հիմա իմ մասին գրված հոդվածներուն հետ, տպավորիչ մեկ ամփոփումովը միասին տեսնել իմ ամենամեծ փափագս է, որուն գոհացումը պիտի տա անշուշտ ինձ բարեկամ գանգրահեր Արմենը:

Տպագրության ծախքը ես կհանձնեմ խմբագրության:

Ձեզ սիրող ու բարեկամ Վահրամ

Հ. Գ.

Ներողամիտ աչքով նայել եք իմ տառասխալներու: Եթե կա բան մը, որ պիտի չի սպասեմ երբեք՝ այն ալ ուղղագրությունը:

Նույնը

№ 5

14.....1912

Պուխ

Սիրելի Արմեն

Երեկ քարտդ առի. գիրքդ ինձ հետ կբերեմ, որովհետև սիրելիս, խմբովս Ատապազար կուգամ անմիջապես, որ պատասխանդ առնեմ:

Ուստի գրե շուտով. կրնա՞ք թատրոնը տրամադրությանս տակ ղնել մեկ շաբաթի համար: Եթե այո, եկող շաբաթ կուգամ և 4 ներկայացում կուտամ: Իսկ այս ձեռնարկիս հաջող ելքը քեզմե կսպասեմ:

Պայմանները պարզ են, մեր շահեն բաժին հանել կրնանք թատրոնին, որ է ըսել հարյուրորդով: Ձեք կրուե՞ր [!]:

Համբույրներս քեզի

Վահրամ Փափազյան

V. Papazian

87 Rue Konstantino-88

Fery-Kovy

№ 6

7, 1912

Իզմիր

Արմեն շան

Մի քանի օրեն Իզմիրեն կմեկնինք (երեքշաբթի գուցե) դեպի քաղաքդ:

Սույն հայտարարութիւնները ստացածիդ պես քաղաքին մեջ գլխավոր տունները և մեծ ու փոքր սրճարանները և թատրոնի դուռը ու եկեղեցին ձգիլ տուր:

Մեր հայտարարության ցույց տված խաղացանկը արդեն բավական պերճախոս պատասխան է հանդես այն կասկածներուն, որոնք գուցե ունենան քանի մը հռոմեական խումբի բարոյական կշռի վերաբերմամբ:

Իմ սիրուն ու (խըվըսամազ) բարեկամս հուսամ լավ օրեր կապրենք Կարճլալ:

Վահրամ

№ 7

4.....1912

Կ. Պոլիս

Իմս Արմեն

Երեկ ստացա նամակդ և այսօր կպատասխանեմ:
 Խնդիրը որու մասին կխոսես նամակիդ մեջ, կարգադրված է արդեն:
 Առանց այդ կարգադրության ես այստեղ չէի երևար արդեն:
 Ուրախ եմ հոգածությանդ համար, մանավանդ որ առիթ կուտաս ինձ
 ևս եղանակին կրկին այցելել քաղաքդ:
 Իմ հաշվիս չեմ կարող գալ, բայց կրնամ պայմանավորվել քու միջո-
 ցավդ հինգ [3 անընթ.] համար և լավ խմբով:
 Ուստի եթե յուրաքանչյուր ներկայացման համար այդ պարոնները կըր-
 նան տալ մեզ վերջնական գին՝ 12 ոսկի և բացի այդ մեր ճանապարհածախսե-
 րը (որ է բսել ռեդամենը 7-ը), ուստի կարող եմ գալ, և եթե նաև թողուն դիս
 մեկ ներկայացում ալ իրենց համար ձրի տալ (այսինքն 6 % [°] մը):
 Առանց այս պայմաններուն իմ քաղաքդ գալս անհնարին կթվի ինձ, գեթ
 առաջիմս:—

Սպասելով հեռագրով պատասխանիդ իմ հասցեիս, որ է

Vahram Papazian
 38 Rue Pechgourvi 38

Forlo-Bachl Pera

Կհամբուրեմ քեզ Համլեթի շրթունքով ու կգրկեմ Օթելլոյի բազուկներովը:

Վահրամ Փափազյան

№ 8

1 սեպտեմբերի, 1956
 Երևան

Իմ շատ ցանկալի բարեկամս Ենովք—Արմեն

Նամակդ ապշեցրեց ու մխիթարեց ինձ, ահա թե ինչի չէի սպասում:
 Բազում տարիներից հետո լսել սիրելի արձագանք այնքան հեռավոր և
 այնքան անմոռաց մի ոսկի անցյալին:

Ճիշտ է, ենթադրում եմ նույնպես, որևէ մանրամասն հասցե անհրաժեշտ
 չէ տողերդ հասցենելու համար ինձ, բայց նախընտրելի է, որ քո նամակներդ
 ուղղես իմ մշտական հասցեին, որի ներքո որովհետև թեև տարվա մեծ մասը
 լինում եմ Երևանում, բայց թղթակցությունս ստանում եմ Լենինգրադի իմ
 տան հասցեով և որտեղից անմիջապես ինձ կվերուղղեն այդ նամակները, ուր
 էլ որ լինեմ այս ընդարձակ երկրում:

Սիրելի Ենովքս, քիչ անց կլինեմ Պուրբեշ և Սոֆիա, գուցե քիչ անց ևս
 Ֆրանսիա, ուր բացի այլ գործերից կայցելեմ և Մարսել՝ հանդիպելու հա-
 մար բույրերիս հետ:

Օգտվելով առիթից, խնդրում եմ քեզ տեսնել կրտսեր քրոջս էլիզաին,
 որին ենթադրում եմ, որ հիշում ես Պոլսից, ինչ որ մի ժառանգական խնդիր
 կա, որի լուծումը բարեհաջող կարող է լինի Ֆրանսիայի մեր ղեկավարության
 կից իրավական օրգանների միջամտությամբ և որին ես անպայման ընթացք
 կտամ, երբ իրազեկ կլինեմ իրերի դրության, Մարսել հասնելիս: Բացատրիր
 այս բոլորը էլիզային, որին գրել եմ նույնպես և հորդորիր նրան համերու-
 թյամբ սպասել իմ ժամանման:

Սիրելի վաղեմի բարեկամս, շատ ես գրել իմ մասին հեռու անցյալում,
 երբ ապագայի մի խոստում էր դեռևս քո այնքան սիրած Վահրամը և որպեսզի
 հիմա էլ գրես քո գրախոսականը, կուղարկեմ քեզ մի հատոր իմ գրքից:

Առ այս վերջացնում եմ նամակս և սեղմում քեզ կրծքիս վրա անանց
 կարոտով:

Քո Վահրամ

Իմ մշտական հասցեն
Leningrad
 chestala Sovetskaja
 5/6 Vagram Kamerovitsh
 Papazian
 telephone - Nekrassova 4 - 58 - 37
 Քրոջ հասցեն Մարսելում
 111 me Veuve Elisa Kalfalyan
 15 Impasse de Belarieux
 Rue St geau du Desert
 St Pierre Marseille

№ 9

Լենինգրադի հասցես

26 հունվարի, 1957

Leningrad 6:me Soviétique 5/6
Vahram K. Papazian

Աղվոր Ենովք — Արմենս

Գրքիս երկրորդ հատորի հրատարակման գործերով մի քիչ ավելի երկար մնացի Երևանում, քան կարծում էի:

Մի երկու շաբաթից կլինեմ Լենինգրադ իմ տանը, ուր ենթադրում եմ նամակդ սպասում է ինձ:

Իսկ այժմ խնդրում եմ մի անգամ ևս հոգս քաշել տեսնել քույրերիս և նրանցից վերցնել մամայիս լուսանկարը և նրա հաջող reproduction-ը առանց հապաղման ուղարկել ինձ Երևան:

Հարցը նրանումն է, Արմենս, որ հրատարակչությունը, ինչպես նաև ընթերցողները, ուղում են տեսնել մորս նկարը գոնե երկրորդ հատորում: Իսկ դժբախտաբար այդ նկարը ինձ մոտ չկա:

Ներիր քեզ պատճառած նեղությանս համար, և եթե իմ կարգին գտնում ես, որ կարող եմ ոգտակար լինել քեզ, հայտնիր ինձ, և հաճույքով կկատարեմ:

Մամայիս նկարը քո նամակի հետ ուղարկիր Երևան իմ հասցեին, Եթե այդ շուտ եղավ, ապա ինքս կհանձնեմ հրատարակչության, որովհետև ենթադրում եմ, որ երկու երեք շաբաթ ևս կլինես Երևան, իսկ եթե ոչ, իմ բացակայության <դեպքում>՝ նկարը կհանձնվի հրատարակչության, իսկ նամակդ կուղարկվի ինձ Լենինգրադ:

Եթե գրախոսական ունիս, կամ Պոլիս հրատարակվող ժամանակվա օրինակներ իմ գրքից, ծավաթ մասերով ղրկիր նույնպես:

Միշտ կարոտով, միշտ քեզ սիրող
 Վահրամ

Երևանի հասցե. Rue de Kiev 8
 Logement 37 Erevan U. R. S. S.

№ 10

25 ապրիլի, 1957

հասցես

Leningrad, Chestala Sovetskaja 5/6 Vagram Kamer. Papazian U. R. S. S.

Անուշիկ բարեկամս Ենովք.

Ուշացած եմ պատասխանում քո նամակին, ճամբորդության մեջ էի:

Զգիտեմ քեզ ինչպես շնորհակալ լինեմ մորս լուսանկարին համար: Եվ կարծեմ մի ամիս չի անցնի, կուղարկեմ քեզ երկրորդ հատորը ևս, որի մեջ,

ի թիվս այլ լուսանկարների, կլինի նաև մամայիս նկարը շնորհիվ քո շանքերին:

Ի՞նչ անեմ, աղվոր Ենոքս, եթե ժամանակների և կյանքիս պարագաների բերամար խեղճ մայրս չկարողացավ ծերանալ իմ հարկի տակ, գոնե կմնա նրա և հորս հիշատակը իմ տողերում, դարձյալ քո շնորհիվ, իմ անուշիկ բարեկամս:

Ձմռանաս, որ միշտ սպասում եմ քո գրախոսականին: Գուցե ես այդ կգտնեմ լենինգրադ, իմ տանը, ուր կլինեմ շուտով և այդ հույսով էլ մխիթարվում եմ:

Իհա հիմա մի խնդիր ևս ունիմ քեզ, որի իրականացումը հնարավորություն կտա ինձ մի անգամ ևս «խըվըս» մազերդ շոյել և կապույտ աչքերիդ նայել, ինչպես և լսել քո մեղմ և փափուկ ձայնը, որը ականջումս է դեռևս, չնայած տարիների հոլովումին:

Ահա խնդիրքս, մեծ դերասան լինելը լավ բան է, հեղինակ դառնալը ավելի քան լավ, բայց տարիները անցնում են Ենոքս, և անզուսպ ցանկություն ունեմ տեսնել քույրերիս և քեզ: Այդ հիմա հնարավոր է, ինչպես տեղեկացրին ինձ այստեղ: Այդ հույսը իրականություն դարձնելու համար անհրաժեշտ է Ֆրանսա ապրող իմ հարազատներից, այս դեպքում քույրերիցս էլիզից կամ Սըրբուհիից:

Papier d'hébergement Ժը 2 exemplaire-ով. որո՞ւք պե՞տք է legaliser ըսել հետևյալ տեղերից:

1. la mairie
2. par la Prefecture
3. ministère des affaires Etrangères
4. Juge de Paix, և եթե կարելի լինի ե՛ր նոտարից:

Եվ այս թղթերը ուղարկել ինձ լենինգրադ իմ մշտական հասցեին:

Քույրերս կարող են դժվարությամբ հասկանալ այս բոլորը, բայց քեզանից խնդրում եմ, որ կանչես նրանց քեզ մոտ, բացատրես և ընթացք տաս: Նույնպես մասնավոր կերպով խնդրում եմ քեզ, սիրելի Ենոքս, բացատրել երկուսին էլ, որ ոչ մի պայմանով նրանց վրա ծանրություն չեմ լինի և չեմ կարող լինել, այլ ընդհակառակը այս միջոցով կարող եմ տեղվույն վրան նյութական անհրաժեշտ օգնություն ցույց տալ երկուսին էլ: Եվ եթե ցանկություն ունին ինձ հետ բերել մեզ մոտ հյուր Յ ամիսով, ուր փառք աստծո, ոչ մի բանի պակասը չեմ դժացել և քառասուն տարուց է ապրում եմ ավելի ապահով, քան երբևիցե որևէ տեղում: Եթե հնարավոր լիներ առանց այս ձևակերպությունների այցելել Մարսել և այցելել միմիայն նրանց տեսնելու և նրանց օգտակար լինելու համար, այսպիսի նեղություն ոչ քեզ կպատճառեի, ոչ էլ նրանց:

Այդ թղթերով ես իրավունք կստանամ Յ ամսով մնալ Մարսել և այդ ժամանակամիջոցին ոչ միայն կկատարեմ իմ ուշացած պարտականությունը որպես եղբայր, այլև ավելին:

Ահա աղվոր Ենոքս, ըրե՛ս այս բանը և թող մտածենք. որ ինձ վիճակված է եղել սիրտս թեթևացնել, տեսնելով ձեզ բոլորիդ և հանգիստ գնալ այս աշխարհից, ուր բազում եղբայրների հետ անհատակ կարոտի ցավ եմ զգացել:

Քո Վահրամ

Հ. Գ.

Նամակդ վերջացնելուց անմիջապես հետո ստացա իմ նախկին դպրոցական ընկեր Դերենիկ Ճիզմեճյանից, որ Մուրադ-Ռաֆայելյան լիցեն ավարտելուց ի վեր ապրում է Իտալիայում և իր աղառ ժամերին գրականությամբ զբաղվում—մի նամակ, ողից տեղեկացա, թե արտասահմանի մի շարք հայ պարբերականների և հանդեսների տպագրում են պրակներ և հատվածներ իմ գրքից:

Եթե, ինչպես գրել էիր ինձ քո առաջին նամակով, հեղինակային իրավունք ասված բանը գոյություն չունի լեպլինգիստների աշխարհում, ապա սիրում եմ հավատալ, որ այլ երկրներում հրապարակված հայ թերթերի վարչությունները չեն կարող օրինակ վերցնել այսօրվան Ստամբուլի գրական բարձրից: Այդ հեղինակային իրավունքը այստեղից ստանալու *practique* միջոցը չեմ տեսնում: Բայց կուզենայի առաջարկել քեզ ինքդ ստանալ իմ անունից, որի համար պետք եղած պաշտոնական հավատարմագրություն կուղարկեմ քեզ, եթե պետք է և այդ գումարից օգտվիր ինքդ, իմ խաթեր և ի հիշատակ ինձ, մի մասն էլ տուր քույրերիս՝ ինչպես հարմար կգտնես: Այդ գոնե որոշ շահով կթեթևացնեմ նրանց նյութական դժվարությունը մինչև իմ գալը, որից հետո, հավատացած եմ, հիմնովին կփոխեմ նրանց վիճակը:

Ուրեմն եթե համաձայն ես, գրիր նամակիդ մի ժայրին, և ես քեզ կուղարկեմ հաջորդ նամակով ինչ որ անհրաժեշտ է:

Սուտաթղ սիրեմ աղվոր Ծնովքս, քանի նամակներդ կկարդամ խոտուրմիշ կըլլամ: Մեյմը ձեռքս իյնայիր տե, քեզի սիրելեն բզիկ-բզիկ ընեի:

Դարձյալ քո՝ Վահրամ

№ 11

27 օգոստոսի, 1957.

Խըվըս մազերով, կապույտ աչքերով իմ բալոր ժամանակների բարեկամդ, Ենովքս

Այսօր մոտ երկու ամիս է, որ մի շարք ճամփորդություններից հետո վերջապես մտա լենինգրադ իմ ամառանոցը, որտեղ գտա և քո նամակը, որ ինձ սպասում էր:

Չուլուխ, շոճուլխ, տուն, տեղ, հինգի, խազ, եորտեկ, երկու գալլի ձագ, ողնի մը և շորս պահապան շներ, այցելել, փալփայել, կերակրել, սիրել ու սիրվածից հետո, իջա Երևան այսօր օդանավով, նամակդ բերելով կուրծքիս վրան շորսից-հինդ հազար մետր բարձրություններու վրայն մինչև տունս Երևան, որպեսզի խելքս գլուխս քեզի պատասխան մը տամ:

Երևան եկա արագ կերպով, որովհետև հնդկահայություն հրավերով և մեր հանրապետական կառավարության ցանկությունով պատրաստվում եմ մեկնել: Կալիաթա և մի քանի այլ քաղաքների կարճ ժամանակով:

Գրքիս երկրորդ հատորը շարվում է և շատ հավանական է, որ մեկնելուց առաջ ինքս իմ ձեռքով քեզ ուղարկեմ մի օրինակ կամ հանձնարարեմ հոգատար մի ձեռքի հասցեագրել քեզ, եթե մինչև մեկնած օրս գիրքը լույս տեսած կլինի:

Նախ՝ անսահման երախտիք ու շնորհակալություն քեզ, ներհուն, խոր-իմաստ և աղվոր գրախոսականիդ համար, որը մեզ մոտ շատ գրիշ շարժողների համար անակընկալ նորություն մը եղավ:

Ինձ մագիստրոս ես անվանում անուշիկ բարեկամս, գուցե և իրավունք ունիս, բայց տարիները ինչ էլ որ անեն ինձ հետ, քեզ համար միշտ եղել եմ, կլինեմ և լինելու եմ նույն շար և միամիտ աղվոր շոճուլք, որին սիրեցիր հիսուն տարի առաջ, որի անփորձ քայլերի առաջ պատվանդան դարձրիր հմուտ գրիշդ, երբ ապագայի լոկ խոստում մըն էի ես միայն, մի քիթ ունեի և երկու աչքեր:

Եթե բախտը ժպտա և հաջողվի քեզ գալ ինձ մոտ, իմ տունը այս մեր հյուրասեր երկրում, կամ ինձ համար հնարավորություն ստեղծվի մի անգամ ևս պատկառելի մագիստրոսի քղանցքներս հավաքել, ծովեր ու լեռներ կտրել և գալ քեզ մոտ, կտեսնես աղվոր Ծնովքս, որ հակառակ տարիներին նույնն եմ մնացել միշտ, որովհետև ինչպես գիտես տարիների թվով չի հաշվվում մարդկային տարիքը, այլ զգացումների քանակով ու որակով: Եվ շնորհիվ իմ բնածին օպտիմիզմի, զգացումներն ու տարիները անցել են իմ վրայից ինչպես ջուրը կարապի վրայից՝ առանց թրջելու իմ փետուրները... և դեռ չեմ բզում վերջին երգը երգելու պահանջը:

Իսկ գալով «ազնվազարմ» քույրիկներին, խնդրում եմ, որ մի վերջին անգամ ես քեզ մոտ կանչես այդ սիրելի խաղախները և ասես. «բա, ուղարկու՞նք», Լթե հնարավորություն ըլլար որևէ գումար ուղարկել այդտեղ, ես այդ վաղուց արած կլինեի, որովհետև փառք աստծու ունիմ թե՛ ցանկություն և թե՛ միջոցներ: Կյանքումս երբեք նրանց միջոցներով չեմ օգտված, չեմ էլ մտածում օգտվել: Այդտեղ գալու իմ ցանկությունս ո՛չ Կանդակեռ տեսնելու, ո՛չ էլ միտիա ուտելու համար էր, այլ իմ հարազատ քույրիկներին տեսնելու և նրանց ավուճը մի քիչ դրամ դնելու համար:

Որ տաղանդավոր ու հանրածանոթ գրականագետ Ծնովք-Արմենը իմ փաստաբանս լինելուց առաջ իմ բարեկամս է, գուցե և միակ հարազատը, ավելի հարազատ քան արյունակիցը: Եվ որ եթե հանրմ քույրերս Մարսելում այդպիսի փաստաբան գտնելով իրենց փիրուշան եղբոր համար զարմացած են, ապա ես ավելի քան արմնցած եմ անոնց անտեղի զարմացումով:

Սրանից հետո համոզիր նրանց, որ եթե ցանկություն ունին օլուխ-չոճուխով ինձ մոտ գալու, իմ գոտը միշտ բաց է:

Հնդկաստանում ներկայացումները վերջացնելուց հետո անպայման կաշխատեմ այցելել և Ֆրանսիա, իսկ գրա համար անհրաժեշտ Papier T'hehergement ուղարկողներ շատ կգտնվին:

Ցանկությունդ երկրորդ հատորի վերջավորության մասին, դժբախտաբար ուշ է իրագործելու համար, բայց հույս ունիմ, որ երկրորդ հրատարակության նկատի կառնվի քո այդ խելացի թելադրանքը պետհրատի ընդխմաբարության կողմից, որքնց կարդացի քո նամակը:

Անսահման շնորհակալություններս մամայիս նկարին համար, որը, ինչպես երեկ տեսա տպարանում, վարպետ ռեթուշից անցնելուց հետո աղվոր հանրմ մը դարձեր է և գրքիս ամենաաղվոր տեղը պիտի բազմի:

Այս օրերիս գուցե անցնեմ էջմիածին և տեսնեմ Վահագնին:

Ինչ վերաբերվում է իմ պատվեգիրի հարցին, ուշադրությամբ կարդալուց հետո քո տեղերը [1], մի անգամ ևս խնդրում եմ քեզ, որ փորձես գոնե մի բան կորզես նրանցից, միշտ հօգուտ քույրերիս իհարկե: Եվ կրկնում եմ, եթե դրա համար անհրաժեշտ է վկայագիր, քեզ կուղարկեմ:

Սիրելի Ծնովքս, մտատանջված ես, որ Մարսել գալով կփորձվիմ և խաղալ: Զէ՛ աղվորս, ոչ գո՛ւ մտածիր այդ, ոչ էլ քույրիկներս թող մտածեն: Արվեստը նախանձոտ սիրուհի մըն է, որի հանդեպ հարգանքի պակասը աննեղելի մեղք մըն է և ալ գիտե այդ ճշմարտությունը ավելի քան արվեստի ասպետ ծառան, ինչպիսին եղել եմ և հույս ունիմ կմնամ միշտ:

Եվ հիմա, սիրելի Ծնովքս, նամակս վերջացնելիս աչքերիս առաջ տեսնում եմ քեզ, ինչպես տարիներ առաջ Պոլսում անբասիր ու բարի հայացքդ, հանդարտ ժպիտդ, փոքրիկ, ոլորուն ոսկեթեփ պեխերդ... միշտ խոհեմ, միշտ բարի, միշտ հանդարտ, քո մոխրագույն ու կոկիկ պոնժուրիդ մեջ, ոգևորության խոսքը միշտ շրթներիդ... և այնքան հստակ եմ տեսնում և ձայնդ լսում այնքան պարզ, որ գրկում եմ քեզ երկար, և ուժեղ և անվերջ:

Քո՝ Վահրամ

Հ. Գ. Նամակներդ միշտ ուզդիր Լենինգրադի հասցեին, որտեղից ինձ ուղարկում են, որ էլ որ լինեմ:

Նույն

№ 12

17 օգոստոս, 1960

Կյուզելիմ Ենովքս

Լենինգրադ

Նման հորջորջումը քեզ թող չզարմացնե: Իզուր չէ ասված որ «on reviens toujours aux anciens amours»*. Եվ երևի այդ հին ճշմարտությունն է պատճառը, որ քեզ հետ խոսելիս այս թեև օտար, բայց միշտ հին և միշտ նոր ածական-

* Միշտ վերհեղվում է անցյալ տերը:

ները կգործածեն կորսված հիշողություն մը ապրելու համար:

Ճանրմ, նամակ պիտի գրես նե, ինչու համար վեղարավոր <...> մարդկանց կհանձնես, մանավանդ երբ փոստ հեռագիր և այլն ըսված հիմնարկություն մը կա աշխարհում: Երևի կաթողիկոսը սպասում է, որ անձամբ ինձ հանձնե նամակդ: Երևան վերադարձիս՝ մեղքերի թողության համար այցելության պիտի երթամ իրեն և եթե նամակդ պահեր է, ուրեմն կկարդամ:

«Սրտիս պարտքը» քեզի կուղարկեմ Երևանից:

Նախազգացումդ ճիշտ է աղվոր Ենովքս, այս վերջի ամիսները ես ինքս էլ հաճախ ինձ փնտրել եմ և չեմ գտել: Ահա մի ամիս ու կես է լենինգրադի շրջակայքում իմ ամառանոցս եմ և փառք ստեղծողին, հավերուս, խորոզներուս, շուններուս և գրքերիս մտերմության մեջ ինքզինքս գտա:

Անցյալ տարի Բուկարիա էի և Ռումինիա: Չմեծ գուցե ամիս մը Քարլը-սպատ ըլլամ, քիչ մը ինքզինքս թամիր ընելու համար, իսկ եթե պայմանները բարեհաճեն գուցե և ինձ հաջողվի ըստախոզի սալաթայի ստրբությունը, խալխան թավսներու և աճալ աճայիպ քույրերուս արալըխը մեկ երկու օր տեսնեմ քեզ Մարսիլիայի Քանդակեսի պուճախներուն մեկին մեջ:

Սա «Քուլիսը» մեկ երկու հատ ինձի ղրկիս. նե շատ հարգի կանցնի. ամբողջ կյանքս քուլիսներուն մեջ անցնելն հետո, չէի սպասեր, որ այս մեղավոր աշխարհին մեջ ուրիշ քուլիս ալ կա: Եվ եթե հարմար կգտնես, ատոնց տված կսմիթներուն ճուղապդ ինձի հայտնե: Գիտես. յա՛, փեք կսիրեմ ինձի կտրկ կընին նե, գիտես նույնպես, որ նման կսմիթներու շատ ավելի չեմ հղած եմ:

Կյուղելիմ Ենովքս, ինչքան երջանիկ կլինեի, եթե հիմա դիմացս նըստած ըլլայիր վիլլայիս սալոնին լայն փենճերին, որի մեկ քինարը նստած՝ թելադրում եմ քեզ համար այս տողերը, դիտելի պարտեզիս ծաղիկները. փըթըրախի պես ծառին ճյուղերը կտորոզ խնձորները, շեշպեւտ սուռաթլը խոսխոճա պուլտոքըս (շունս), որ ոտքերիս տակ նստած է: Մինչև դիշերվա երկուսը չմթնող երկինքը և աճալ աճայիպ խուշերու անքաղաքավարի խոսվըռուտը ծառերուն թեփեն: Այդ արալըխ, փեթեի պես պեսսեմեն իր հյուսիսային հրապույրները փաթլամիշ ըլլալու չափ սեղմած ճերմակ փոռսթիլայի մեջ արծաթ թեփսթին վրա մեյ մեկ ֆինճան խահվե կբերեր, որի գաղջ գուրջի մեջն քեզի հետ կհիշեինք ու կապրեինք մեր ջահել ճիվան օրերը:

Անուշիկ բարեկամս, ի՞նչ կըլլա սա քիչ մը տեղեդ երեբա տե միջոցը գտիր և ինձի տավեթնամե մը ղրկե պաշտոնական ձևով, որպեսզի կարենամ գտնե մի անգամ ևս խըվըս մագերդ, մավի աչքերդ ու բարեձև հասակդ տեսնել: Որովհետև աղվորս, այդ տեսակ ազդու թուղթ մը միայն հնարավոր կդարձնե նման ցանկություն մը: Մանավանդ եթե ալդ հրավերը եղած լինի Մարսելի. հայ համայնքի կամ նույն համայնքի որեւէ կուլտուրական ձեռնարկի կողմ: Չենե անանգ միս մինակ առանց լուրջ սեպեպի դոնեն դուրս ելլել և սոխախները պըտըտիլը անհարմար կնկատվի:

Քույրերուս եթե տեսնիս, բարևիր:

Կյանքը հավիտենական չէ յավրում, եկեր էնք, որ երթանք և պետք է երթանք, որ նորեն գանք. այս aller-retour ճամփորդությունը գուցե թոաֆ կնես, բայց ատիկա իմ համոզումս է: Լավ մտածե և կտեսիս, որ այդ տեսակ մտածումը հեշ բան մը չըլլա նե, գոնե միսթարանք մընե:

Աղվոր յավրում, որովհետև քիչ մը վերջը Երևան պիտի ըլլամ, նամակներդ Երևանի իմ հասցեին ղրկե: Բայց չմոռանաս և ականջի ետև չթողես սա իմու հապերը ղրկելու մասին: Գիտեմ ատիկա թե ժամանակդ կզրավե և թե ուշադրությունդ, բայց ինչ արած անուշիկ եղբայրս խաթերս համար ըրե ատիկա և ընդունիր քո ամենասիրելի, ամենամոտ բարեկամիդ Վահրամին ասխըտար հեռուներեն ջուվալ մը համբույրը, որից ինձ հիշողներուն բաժին հանե մեկ երկու արվում:

Հ. Գ.

Քո Վահրամ:

Լենինգրադի հասցես հետևյալն է. Leningrad Lahta Vakzalnala 7

Իսկ Երևանինը, ուր պետք է ուղղես պատասխանդ՝ Erevan 5 Rue Klevian Logement 47
Papa Nalav